



Datum, 27.07.2020. godine
Broj : 00-162/20

Na osnovu člana 69. stav (3) Zakona o javnim nabavkama BiH ("Sl. glasnik BiH", broj 39/14), člana 8. Statuta Društva –Prečišćeni tekst, Zapisnika o postupku javne nabavke, donosim:

O D L U K U o otkazivanju postupka javne nabavke

I

Otkazuje se postupak za javnu nabavku usluga: nabavka i štampanje promo materijala za projekte: Projektna akademija, Kreditno garantni fond SERDA, CONNECTING Nature, BITNET (EEN), Agencija SERDA, konferencije, seminare i materijale za sjednice organa Društva u konkurentskom zahtjevu objavljenom na Portalu javnih nabavki broj: 381-7-2-72-3-10/20 od 24.06.2020. godine.

Postupak konkurentskog zahtjeva otkazuje se u skladu sa članom 69. stav (3) Zakona o javnim nabavkama BiH ("Sl. glasnik BiH", broj 39/14) zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka.

II

Ova odluka će se objaviti na web stranic Sarajevske regionalne razvojne agencije SERDA d.o.o. Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

III

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: OD-144/20 od 22.06.2020. godine putem konkurentskog zahtjeva za dostavu ponuda koji je upućen na adrese tri ponuđača i za koje je objavljeno Obavještenje o nabavci na portalu javnih nabavki broj: 381-7-2-72-3-10/20 od 24.06.2020. godine.

U ostavljenom roku za podnošenje ponuda do 08.07.2020. godine do 14 sati blagovremeno je dostavljeno šest ponuda i to ponuđača:

1. GRAFIČAR d.o.o. Bihać
2. BLICDRUK d.o.o. Sarajevo
3. R&S d.o.o. Sarajevo
4. PRINTERPAPIR d.o.o. Sarajevo
5. Grafika ŠARAN d.o.o. Sarajevo
6. INTEA d.o.o. Sarajevo

Komisija za javne nabavke je izvršila javno otvaranje ponuda 08.07.2020. godine i o tome sačinila Zapisnik o otvaranju ponuda, te isti prosljedila ponuđačima.

Prije nego što je Komisija počela sa evaluacijom ponuda, Vlada Kantona Sarajevo je dostavila SERDA-i Zaključak broj: 02-04-23318-33/20 od 09.07.2020. godine kojim je zadužila članove Vlade i SERDA-u da poduzmu sve neophodne aktivnosti na pripremi i implementaciji petnaest strateških projekata za Kanton Sarajevo.

U implementaciji projekata, treba raditi na promociji istih nabavkom i štampom promotivnog materijala te štampati radni i edukativni materijal, certifikate i sl., a kako u vrijeme pokretanja postupka 22.06.2020. godine SERDA i Komisija za javne nabavke nije mogla pretpostaviti za pokretanje aktivnosti na implementaciji 15 strateških projekata na području Kantona Sarajevo, tako da specifikacijom u Konkurentskom zahtjevu broj JN-114/20 nisu obuhvaćene količine po stavkama i opisi stavki za nabavku i štampu promotivnog materijala za potrebe strateških projekata za područje Kantona Sarajevo.

Uzimajući u obzir navedeno, da količine i opisi usluga u Konkurentskom zahtjevu za dostavu ponuda broj: JN-114/20 od 22.06.2020. godine sad nisu realne, nastavkom provođenja ovog postupka javne nabavke ne bi se zadovoljile realne potrebe ugovornog organa i projekata koje treba da implementira.

Kako se ugovor o javnoj nabavci zaključuje na osnovu tenderske dokumentacije/specifikacije i ponude najpovoljnijeg ponuđača, te se uslovi iz tenderske dokumentacije ne mogu mijenjati prilikom zaključenja ugovora shodno članu 72. stav (5) Zakona, zaključenjem ugovora prema svojim zahtjevima iz tenderske dokumentacije i prema ponudi ponuđača koja je data na osnovu te tenderske dokumentacije ugovorni organ ne bi imao koristi od ugovora.

Poštujući zakonske principe transparentnosti, pravične i aktivne konkurencije, u cilju najefikasnijeg korištenja javnih sredstava u vezi s predmetom nabavke i njegovom svrhom, primjenjujući odredbe člana 69. stav (3) Zakona o javnim nabavkama BiH, predloženo je donošenje Odluke kao u dispozitivu.

Protiv ove odluke svaki od ponuđača/dobavljača ima pravo da podnese žalbu u roku od pet dana od dana prijema ove odluke.

Žalba se podnosi Ugovornom organu SERDA d.o.o., u pisanoj formi.

Dostavljeno:

1. Ponuđačima
2. Komisiji
3. a/a


DIREKTOR
dr. Ševkija Okerić

